

رواية يا انا يا سلفتي كاملة



بقلم الكاتبة كوكي سامح

للمزيد من الرويات بصيغة pdf

زوروا موقعنا موقع ايجي فور تريندس

www.egy4trends.com

www.egy4trends.blogspot.com

او عن طريق محرك البحث جوجل بكتابة

اسم الموقع ايجي فور تريندس

كل يوم اقوم ع نفس الكابوس المزعج انى
عروسه من غير عريس مع انى متجوزه
النهارده سبوع سلفتى وكلنا متجمعين
والكل فرحان ومبسوط بالنونو الجديد إنما
أنا مبخلفش والنار قايدة جواياكلهم
بيعايرونى وأولهم سلفتى منها لله مقويه
حماتى عليه وخصوصا ان جوزى

مسافر والكل جاى عليه علشان مبخلفش
مع انها حكمه ربنا انا مش عارفه الناس دى
نوعها ايه ده محدش لى فى نفسه حاجه وانا
واقفه لقيت حماتى بتقولى وايدها ع كتفى
شدى حيلك يا شوق عاوزين نفرح بعوضك
بصتلها وعينى كلها غيظ من كلامها وقولتلها
لما احمد يرجع بس يا ماما شالت ايدها من

عليه وقالت هاتو الغربال وفعلا مسكت
الغربال وهى بتبص ليه وقالت اسمع كلام
امك واسمع كلام ابوك

وفضلوا كلهم يضحكوا وانا قلبى بيعيط من
جوه لقيت سلفتى العقربه شالت ابنها
وقالت خودى يا شوق شليه وادعى بس
بتتعوج وقالت يمكن ربنا يديكى رددت
حماتى وقالت والله مفيش فايده وكلهم
قعدوا يضحكوا ۞ وبیدسوا عليه لمجرد انى
مش بخلف لقيت نفسى خرجت بره
وجسمى بيرتعش وحسيت انى مرهقه وسند
بايدى ع الباب وهما كلهم جوه مبسوطين
وحسيت ان التفكير هيموتنى وطلعت ع
شقتى وفتحت الباب وقفلته وحسيت
بصوت بيكلمنى

ويقولى اشمعنى انتى اللى مبتخلفيش
اتجننت وبقيت ادور فالشقه هو فى ايه
بالظبط انا ايه اللى بيجرالى انا حاسه انى
جسمى بيتكتف وكأنى حد ربطنى انا مش
عارفه اتحرك وبقيت اكلم نفسى وقولت
دى اوهام وقومت من مكاني وقولت انا
هنزل السبوع احسن انا لو قعدت لوحدى
هتجنن وقومت دخلت الحمام وغسلت
وشى ونزلت السبوع وكلهم مبسوطين وانا
تعيسه من جوايا من جرحهم ليه ومن
كلامهم الجارح ولمحت بعينى شريف اخو
جوزى واقف يبص عليه

اوى ولأول مره احس ان عينه منى لقيت
نفسى جسمى متلج وصوت رجع تانى بس

المره دى جوايا وبيقولى اخو جوزك قدامك
اهو خودى حقا ما مراته العقربه بتعايرك
انك مش بتخلفى خوديه منها علشان تحس
بالقهر زى ما قهرتك وقولت فى سرى اعوذب
بالله من الشيطان الرجيم ايه اللى بفكر فى
ده.. ده لو حصل فيها خراب بيوت ووقفت
مكانى

واتسمرت ولقيت سلفتى بصوت واطى
وبتقولى انتى عمرك ما هتشيلى انتى ارض
بور خلى بالك انا جيت عروسه لجوزك
وحماتك عارفه؟ بس انا قولتلها شكرا والف
مبروك مقدما

أميره : شوق انتى جبله مزعلتيش

شوق : وازعل ليه انا هطلق..

وقولت في سرى انتى اللى خربتى ع
نفسك...

الجزء الثاني من هنا

قولت في سرى انتى اللى خربتى ع نفسك...
بس اميره سلفتى قالتلى انتى عاوزه
تتطلقى يا شوق قولتلها اه علشان جوزى
يتجوز ويجيب حتته عيل علشان تفرحوا بيه
وتعملوا سبوع حلو زى ده مش انتى خلاص
شوفتى عروسه؟

وحماتى جت واحنا بنتكلم وبرضه مش
مبطله وقالت تعالى يا اميره كلمى اشرف
جوزك يا ست الستات وانا النار بتغلى جوايا

وخلص ع كده انا الشيطان لعب في دماغى
خلص وبيقولى خودى حقك خودى جوزها
منها وساعتها هى هتتقهر وتتلم اما بالنسبه
لأحمد جوزى مش فارقه كتير ع طول
مسافر وانا اللى عايشه في غلب ومعايره هنا

اشرف : مالك واقفه لوحك كده ليه يا

شوق

شوق : واقفه بتفرج ع سبوع

اشرف : عقبالك

شوق : يارب ♥ □ اتمنى اخلف ولد من

راجل زيك يبقى من ضهر راجل

اشرف : عارفه انتى طول عمرك حلوه

شوق : بجد ☺ □ بس احمد ع طول سايینی
ومسافر وانا محتاجه لراجل فی ضهري انا
لوحدى فالدنيا دی □ ومليش حد حتى أمی
مش بتعرف تزورنی من حماتی أصلها صعبه
ما انت عارف

اشرف : انا فی ضهرك وزی اخوکی یا شوق

شوق : اخويا بس انت اكثر من اخويا

اميره : مالکم فی حاجه انتوا واقفين كده ليه

اشرف : مفیش واقف مع مرات اخويا

اميره : مرات اخوك اه طيب ادعلها نشوف

عوضها لحسن خلاص امك جابت آخرها

خلاص وشافت عروسه وانت عارفاها كويس

وأشرف اتحرج قدام شوق ومسك اميره من

دراعاها وقال تعالى ايه اللى بتقوليه ده

اميره قالت بصوت مسموع وشوق سامعه

كل حاجه وقالت دى مبتخلفش وجوزها

طفشان منها علشان مش عارفه تجيب حته

عيل ده القلط بتخلف لامؤاخذه وهى مش

عارفه ههههههههههههه

اشرف : ايه الكلام ده بطللى جهل دى حكمه

ربنا يا شيخه واسكتى لا تسمع حرام عليكى

اميره : ده جبله وقال بتقول هطلق يلا فى

داهيه

اشرف : هتسكتى ولا هقلبها عليكى

اميره : خلاص متزعلش تعالى شوف ابناك

علشان تعرف انى ست الستات

اشرف : ابني عبدالله وبنتي منه ربنا يبارك
فيهم

اميره : يارب ولسه ولدين كمان

اشرف : لا حولا ولا قوة الا بالله قولى يارب
عن اذنك هشوف المسكينه دى سمعت ولا
لا وفعلا اشرف خرج وشاف شوق واقفه
وقالها شوق ادخلى جوه

شوق : انا طالعه شقتى بس ليه طلب
عندك القولون عندى ملتهب وفي برشام
مش لاقياه ياريت تدور عليه ولو لقيته انا
فوق فى شقتى

اشرف : حاضر نخلص من الليله دى وعنيه
ليكى يا ست الكل

شوق : ربنا يعزك وتليفون شوق رن وقالت
عن اذنك يا اشرف انا طالعه وفعلا طلعت
وردت ع التليفون وكان احمد جوزها وكان
بيطمن عليها وقفلت معاه وفضلت تبص
لحيطان الشقه ودخلت اوضه الأطفال
وقالت انا كلفت نفسى وعملت اوضه
أطفال ليه علشان مخلفش وكمان اتعاير ع
حاجه مليش يد فيها ع رأى أميره سلفتى
دى القبط بتخلف بس انا لأ ☐

وقامت شوق فتحت شبك اوضه النوم
وقعدت ع الارض وقالت هو ده ظلم يارب
اشمعنى انا مخلفش ومفرحش انا تعبت
خلاص بس انت قولت العين بالعين والبادى
أظلم وانا هفترى وهاخذ حته منها هاخذ
اشرف منها اما احمد هطلق بس احرق قلبها

وقلب حماتها عليها ست الستات بتاعتها انا
هوريهم العقارب دول وتليفون شوق رن
وقالت دى فاطمه صاحبتي ورددت ع طول
وقال فاطمه وحشتيني

فاطمه : مال صوتك ي شوق ايه ده انتى
بتعيطى

شوق : مضايقه شويه تعالى عاوزه اقعد
معاكى شويه

فاطمه : حاضر هلبس واجيلك الساعه لسه
٩ بس مش هتأخر

شوق : تعالى انا مستنياكى

وشوق قفلت مع فاطمه ومستنياها علشان

تقعد معاها

وشوق قالت ايه ده نفس الصوت وحطت
ايدها ع ودانها وقالت صوت غريب ده جوايا
وكل مره يقولى خودى جوزها خودى حقا
بس المره دى شوق قالت انا هاخده وهخليه
خاتم فى ايدى وهخليها تتعذب وتتقهر

وعدت ربع ساعه وجرس الباب رن وشوق

قالت اكيد فاطمه وفعلا كانت فاطمه

صاحبها

فاطمه : مال القمر مضايق من ايه اوعى
تقولى مسأله الخلفه والعيال ده امر ربنا يا

حبيبتى

شوق : ❏ مفیش غیره انا بتذل کل یوم یا
فاطمه من حماتی وسلفتی کأن مفیش ست
غیرها خلفت تصویری سمعتها بودانی بتقول
لأشرف جوزها ان القطط بتخلف یعنی ایه
حسبی الله ونعم

فاطمه : هی البت دی مش هتسکت انا
قولتلك کذا مره واقفیها عند حدها فی ناس
کده بتیجی بالعين الحمرا إنما الطيبه
بتاعتک دی متجیش معاها

شوق : انا عاوزه اتکلم معاکى انا قررت
اتطلق وهاخذ منها النعمه اللی هی فیها
واتجوز اشرف وخی حماتها تنفعها بقی

فاطمه : تطلقى یا مصیبتى لا لا

شوق : مفيش حل غير كده

فاطمه : لأ فى حل وحل هييجيب من الاخر

شوق : هو ده اللي فكرت فيه انا مقهوره لازم

اقهرها واقهر حماتها خرابين البيوت انتى

ناسيه انها بنت اختها علشان بتحبها إنما أنا

غريبه

فاطمه : اسمعى منى وحياه امها الغاليه لا

اخليها تندم ع كل دقيقه ضايقتك فيها

شوق :      

فاطمه : احنا نخليها تتجنن وتتدخل

مستشفى المجانين ولما تتجنن تبقى لا

تصلح أم وتاخذى عيالها تربيههم وكده حماتها

مش هيبقى ليها عين وانتي اللي هتربى
العيال وده غصب عنهم كلهم وساعتها انتى
اعملى الغلبانه الطيبه وخودى العيال وقولى
بأعلى صوتك دى مجنونه

شوق : طيب وهنجننها ازاي

فاطمه : هقولك يا عين وقلب صاحبك هو
مش جنان جنان بس هخليها تعض الارض
انتى عارفه انى بقف فى صيدليه فايز اخويا
وافهم فى انواع البرشام هجبلك برشام
هلوسه.....

الجزء الثالث من هنا

ج. ۳. #انا_یا_سلفتی

وهجبلک برشام هلوسه وشوق قالت
لفاطمه صاحبته بصوت واطی یخریبیتک
برشام هلوسه واللہ ہی تستاهل اکثر من
کده بس اخاف حد یعرف حاجه دی تبقی
مصیبه رددت فاطمه وقالت ما انتی کنت
ناویه تاخدی جوزها منها وتطلقی مکتنتش
مصیبه یعنی لو خایفه بلاش

شوق : انا مش خایفه دی بتقهرنی یا فاطمه

ربنا ما یوریکی سمها هی وخالتها

فاطمه : خالتها مین اه اه حما تک العقربه

معلش نسیت □ المهم اسمعینی کویس

علشان كل اللي هقولوا مش هعرف اتلكم
في تاني عاوزاكي تقعدى معاها وقت طويل
□ مع انى عارفه انك مش بطيقها من كلامها
السم بس استحملى لحد ما تغور في ستين
داهيه وبعدين خودى بنتها في حضنك ع
طول خليها تاخذ عليكى

شوق : ماشى هعمل كده

فاطمه : شوق لازم تنفذى مش ماشى
وخلص

شوق : بقولك انا مقهوره هنفذ متقلقيش ما
انا عارفه ان ده كله علشان مصلحتى

فاطمه : انا هجيبك البرشام من ورا اخويا
فايز وخلي بالك محدش يعرف حاجه ولما

اجبلك البرشام حطيه فى شاي او فى اى
حاجه تكون دافيه علشان يدوب بسرعه
وهى متحسش بيه لأن مع الوقت مش
هتחס بنفسها وبأفعلها

شوق : مينفعش تاخده كله ونخلص مره
واحده علشان انا هعملها كل شويه شاي
كده تشك فيه

فاطمه : بطلى غياب مش كل شويه فالايوم
مرتين وبعد كده هقولك تزودى الجرعه
المهم تتجنن وتروح مستشفى المجانيين
وتاخذى عيالها وترتاحى من قرفها ويبقى
كده ضربتى عصفورين بحجر واحد اخدتى
ولادها وبقيتى مقام امهم وهيتربوا فى

حزنك وتعوضى حرمانك من الخلفه
وكمان من غير طلاق لأنهم غصب عنهم
كلهم انتى اللى

هتدريهم وانتى الحنينه عليهم بعد امهم
وكمان هيتعلقوا بيكى وبرضه خلصتى من
سلفتك العقربه وحماتك مش هيبقى ليها
عين تتكلم معاكى اولاً علشان بتربى عيال
ابنها وعيال بنت اختها المجنونه اللى عرتها
قدام ابنها وهتخلصى من قرفها ثانيا بقى
وده الأهم انها ياما هزقتك هى وبنت اختها
وعاىروكى وفالأخر بتربى عيالها يعنى انتى
كده بطله يا بت

الجزء الرابع من هنا

شوق : ياريت اتمنى اخلص من كل ده
وارتاح ليه يارب انا مخلفتش زى اى ست
مكنش حصل كل ده ياما اتهانت واتعايرت
عندك حق فى كل كلمه يا فاطمه

فاطمه : عارفه يا شوق انتى أجمل بنت
فالمنطقه كلها

شوق : جميله بس انتى عارفه انا متعلمتش
انا جاهله حتى فالكتابه والقرايه ع قدى كان
نفسى اتعلم الجهل وحش اوى

فاطمه : ما انا قدامك اهو خدت ايه من
التعليم واقفه فالصيدليه مع اخويا فايز ولا
راجل بص فى وشى مش عارفه ليه ☹☹

شوق : مش عارفه ليه يا فاطمه يا بت احنا
متدربين مع بعض العيب فى اخوكى فايز
المنطقه كلها بتاخذ من عندى برشام
ومخدرات ومبوظ شباب المنطقه

فاطمه : كذا مره اتلكم معاه وقولوا كفايه
احنا مش بنكسب شويه بس وحياتك ولا
بيسمع ليه ولا حتى لأمى

شوق : يلا بقى قومى علشان محدش يعرف
انك عندى وحماتى تشوفك وتحس بحاجه
فاطمه : انا عارفه مبتقبلنيش والله ولا انا
كمان من القلب للقلب

شوق : النهارده كلهم مشغولين ومش
فايقين مشغولين بالمولود الجديد علشان

كده قولتلك تعالى المهم يلا انزلى وانا هنزل

وراكى اخذ البرشام

فاطمه : لا مش دلوقت انا بكره هتصل بيكى

واقولك تيجى تاخديه انا هقوم سلام يا

حبيبتى

وقامت شوق وفتحت باب الشقه لقت فى

وشها اشرف اخو جوزها وقالها ايه ده انتى

رايحه فين يا شوق وكمان فاطمه هنا ازيك

يا انسه فاطمه

فاطمه : الحمد لله بخير عن اذنكم بقى انا

ماشيه يا شوق سلام

وفاطمه مشيت وسابت اشرف واقف مع

شوق

وأشرف قال لشوق انا ملقتش برشام

القولون اللي انتى عاوزه

شوق : برشام ايه يا اه اه اه ما هي كانت
فاطمه هنا وكان عندهم فى الصيدليه وجابته

اشرف : طيب كويس بس ابقى خلى بالك
من البننت دى سمعه اخوها مش حلوه

شوق : دى صاحبتي الوحيدده مقدرش ابعدها
عنها وبعدين دى مش بتيجى خالص غير
كل سنه مره وبعدين كتر الف خيرها جت
وجابت البرشام لما عرفت ان القولون
مموتنى ربنا يسترها

اشرف : اللي تشوفيه يا مرات الغالى انا

هنزل والف سلامه عليكى

شوق : الله يسلمك و

وأشرف نزل ع شفته

وشوق قالت فى سرها خلاص بقى مع انى
كنت راسمه عليك انت علشان اققهرها بس
فاطمه غيرت خطتى خالص بس البيت
فاطمه دى دماغ حلوه ❑ ياااه بعد ما كنت
مقهوره ومضايقه حاسه انى مبسوطه لمجرد
بس ان سلفتى اميره تمشى من البيت بس
هى اللى عملت كده من معايرتها ليه وكل
شويه فالرايحه والجايه تعابيرنى انى مش
بخلف يااه عدم الخلفه ده كسره بجد ❑
وبالذات مع الناس اللى زى

حماتى وسلفتى العقارب منهم لله انا حاسه
انى جعانه قوى انا حتى مأكلتش حاجه

فالسبوع من كتر الزن والقرف لما ادخل
المطبخ اعملى كوبايه شاي باللبن
وسندوتش وفعلا شوق دخلت المطبخ
وعملت الشاي وسندوتش ودخلت اوضه
نومها وفتحت التليفزيون وتاكل وتشرب
الشاي وراحت فالنوم

وفي صباح اليوم التالى شوق صحيت ع نفس
الكابوس المزعج وقالت ايه ده نفس اعرف
تفسير الحلم ده بس ده مش حلم ده كابوس
ومزعج كمان وقامت لبست هدومها ونزلت
وهى نازله عدت ع شقه حماتها وشافت
اميره قاعده عندها..

اميره : رايحه فين يا ام شوق لا لا معلش يا

شوق

شوق : نازله رايحه عند أمى أصلها تعبانه

شويه

أميره : عارفه يا شوق اصل حزن العيل

بالدنيا طول الليل وانا نايمه وفي حزنى

عبدالله ومنه يا مش عارفه من غيرهم كنت

هعمل ايه يا لو كنتى عندك عيال مكنتيش

فكرتى فى احمد جوزك خالص سافر بقى ولا

قاعد ☐ اصل العيال تحسى كده انهم

بيزهقوا من كتر دوشتهم

شوق : صدقيني حزن الراجل بالدنيا وربنا

يباركلك فى جوزك وعيالك ☐☐

وشوق قالت فى سرها انتى فعلا تستاهلى
اللى هعملوا فىكى حتى حزن عيالك
خساره فىكى

شوق : هاتى عبدالله كده

وشوق اخدت الولد ع ايدها وقالت فى سرها
بكره تبقى ابنى انا وانا اللى هربيك ومش
هتقول لماما لغيرى

وقالت عبدالله شبهه عمه بالظبط ❑ سبحان
الله

اميره قالت بغىظ اه فعلا ❑

شوق : انا نازله

اميره : مش هتستأذنى من خالتى اه قصدى
من حماتك

شوق : انا عارفه انها نايمه ابقى قوليلها مع
السلامه علشان هتأخر وع فكره هبقى
اسلمك ع ماما

اميره قالت بغیظ يلا تروحى ما ترجعى

وشوق نزلت بسرعه وكلمت فاطمه وقالت
إنها هتقف تستناها علشان تاخذ منها
البرشام بس فاطمه طلبت منها تروح ليها
الصيدليه هى واقفه وفتره الصبح بتكون
واقفه لوحدها وشوق قفلت معاها وراحت ع
الصيدليه وفعلا لقت فاطمه لوحدها وخذت
منها البرشام وخبته وعرفت من فاطمه ازاي

هتستخدمه وفاطمه قالت لها ع الأعراض
اللى هتبان ع اميره وبرضه هتكون ع اتصال
بيها □

وشوق قالت لفاطمه انها هتروح عند مامتها
علشان محدش يشك فيها ويكون كلامها
مضبوط قدام اميره وحماتها

وفعلا شوق راحت لمامتها وقعدت معاها
واتغدت وفي وسط الكلام شوق قالت لأمها ع
الحلم وانه كابوس وبتقوم مخنوقه منه
وقالت لأمها انها هتمشى علشان اتأخرت
وطبعاً لان امها عارفه حماتها وسلفتها
بيضيقيوها اوى

وشوق راحت البيت واول حاجه عدت ع
شقه حماتها وقالت ازيك يا ماما

الحماه : الحمد لله اميره قالت انك مامتك

تعبانه خير

شوق : الحمد لله شويه برد وراحوا لحالهم

اميره : انتى وصلتى اهلا وسهلا يا شوق

شوق مسكت اميره وقالت لها يا حبيبتى يا

ام عبدالله اققعدى هعملك غدا من ايديه

لأن انتى بترضعى وابنك لازم يتغذى

أميره : انا لسه واكله مع خالتى

شوق : خلاص انا كمان اتغديت عند ماما

بس مشربتش شاي هغير هدومى ونشربوا

مع بعض وطلعت شوق ع شقتها تغير

هدومها وخذت برشامه هلوسه معاها

علشان تحطها فالشاي وقالت انا هحطلها

اتنين علشان أنجز وافرح فيها وخذت

برشمتين هلوسه ونزلت ع شقه حماتها
ولقت اميره وحماتها بيتكلموا ومنه بتلعب
فالصاله وعبداللله نايم ع حجر اميره
شوق قالت فى سرها يخربيتك انتى عامله
زى القبط ولا باين عليكى انك لسه والده
ايه ده

ودخلت المطبخ وعملت الشاى ومسكت
البرشام الهلوسه علشان تحطه فالشاى
وتليفون شوق رن ورددت وكانت امها وقالت
لها خودى معاكى واحده حبيبتى ست
السيخه بتفسر الأحلام وقولتلها ع الحلم
بتاعك وقالت لازم اسألها بنفسى وشوق
قالت هاتيها بسرعه وفعلا كلمت شوق

وطلبت منها تحكى الحلم بكل تفاصيله
وشوق ابتدت تحكى الحلم وخلصت بس
الشيخه قالت لشوق حاجه غريبه شوق
اتبرجلت واتلغبط وحطت برشامه هلوسه فى
كوبايه وواحد فى الكوبايه التانيه وقالت
لشيخه انتى بتقولى ايه.....

الجزء الخامس من هنا

ج. #0_انا_يا_سلفتى

شوق قالت للشيخه انتى بتقولى ايه معقول
خلاص خلاص انا هلبس وهحاول اكون
عندك دلوقتى وشوق قالت للشيخه انها
عاوزه تكلم امها وفعلا كلمتها واتفقت معاها
انها هتكون عندها ولو حد سألها هى تعبت

تانی.. وشوق خدت صینیہ الشای وخرجت
وقدمت الشای لحماتها وأمیره سلفتها
أمیره : ایه ده هو انتی مش هتشرپی شای
معانا

شوق : انا لسه ماما مکلمانی وتعبانه اوی
ولازم اروحلها دلوقتی

الحماه : مش انتی لسه راجعه یا شوق

شوق : تعبت تانی یا ماما

الحماه بصت لشوق واتعوجت وقالت طیب

ابقی سلمیلی علیها

شوق : حاضر حاضر

وشوق كانت ملهوفه اوى ع تفسير الحلم
ونسيت انها حطت برشام الهلوسه فى كوبايه
اميره وكوبايه حماتها ومخدتش بالها كل
اللى شاغل شوق الحلم وطلعت شقتها
ولبست هدمها ونزلت جرى ع بيت امها
وفالطريق قابلت فاطمه

فاطمه : مالك يا بنتى بتجربى كده ليه
وشكلك مخضوض وقاتت بصوت واطى
ووشوشه شكلك حطيتى برشام الهلوسه
لسلفتك؟ اوعى تكونى خايفه يا شوق

شوق : اه حطيته فالشاي بس فى حاجه
مهمه تانيه

فاطمه : حاجه ايه؟

شوق : فاكهه الحلم اللى قولتلك عليه

فاطمه : قصدك الكابوس اعوذ بالله انا لما

بسمعه منك جسمى بيقتشعر

شوق : اومال انا اعمل ايه انا لما بشوفوا

بقوم مخنوقه عارفه لو مره مش مشكله

هيبقى حلم زى اى حلم إنما علطول بحلم

بيه

فاطمه : واياه دخل الحلم فالهفتك دى

ووشك الأصفر ده انتى شكلك مخضوض

اوى

شوق : ماما كلمتنى وكان عندها ست

شيخه بس ايه قادره وهتفسر الحلم هى

قالت حاجه بس انا عاوزه اتأكد وبرضه خايفه

□

فاطمه : شيخه يااه انا بموت فالحاجات دى

انا هاجى معاكى

شوق : والصيدليه

فاطمه : فايز هناك ومعاه البت اللى

هيخطبها واقفه معاه علشان كده مشيت هو

بالمحسوس كده قالى أمشى

شوق : خلاص تعالى

وشوق وفاطمه راحوا ع بيت مامت شوق

ووصلوا البيت وطلعوا وشوق خبطت وأم

شوق فتحت وشوق قالت..

ماما هي فين ست الشيخه

الأم : فالصالون ادخلى هى قاعده جوه

مستنياكى من بدرى

شوق : تعالى ادخلى يا فاطمه معايا

الام : ازيك يا فاطمه عامله ايه يا بنتى ربنا

يسعدك واشوفك عروسه

فاطمه : يارب يارب ادعيلى بقولك يا ام

شوق هى الشيخه دى بتفهم فالاعمال

اصلى كنت عاوزه اشوف بختى مع انى

عارفاه بس هجرب

الام : اه دى سرها باتع وبتشوف وكمان

بتشوف الفنجان

فاطمه : طيب كويس

شوق : بطلی رعی یا فاطمه الشیخه

مستنیه جوه

وشوق دخلت ع الشیخه وقالت السلام

علیکم یا ست الشیخه

الشیخه : وعلیکم السلام تعالی یا شوق

اققعدی وشوق قعدت وقالت تعالی یا

فاطمه

الشیخه : مین دی

فاطمه : انا صاحبه شوق وفي مقام اختها انا

تقریبا ملیش غیرها

الشیخه : عندك حلم یا فاطمه

فاطمه : لا انا نفسى اشوف الفنجان لو
حضرتك بتعرفى نفسى اشوف بختى مع انى
عارفاه

الشيخه : محدش لى فى نفسه حاجه
ومحدش يعرف بكره فى ايه غير ربنا

شوق : انا عاوزه تفسير الحلم

الشيخه : احكيه وعاوزه بتفاصيله

شوق : انا بشوف انى لابسه فستان فرح
ابيض وعروسه بس الفرحة ساكت والغريب
فالحلم ان الناس بترقص من غير صوت انا
مش سامعه موسيقى خالص بس كل اللى
بيضايقنى انى قاعده عالكوشه لوحدى
وبقول انا عروسه ومن غير عريس ومحدش
سامعنى مع انى صوتى عالى ويقوم مفزوعه
من النوم مع انى متجوزه

الشيخه : انا مش هفسر علشان لسه فى
باقيه للحلم

شوق : ازای ده الحلم كله

الشيخه : يعنى اقولك انك هتموتى

شوق : امووت

فاطمه : تمووت؟! بعد الشر

الشيخه : الله اعلم بس خلى بالك من
نفسك كويس. ايه يا شوق اتخضيتى ولا
عاوزه اقولك كلام حلو انك هتخلفى مثلا
ورزقك هيوسع

شوق : ياريت اخلف

الشيخه : ربك كبير

فاطمه : وانا

الشيخه : عندك حلم

فاطمه : لأ بس عاوزه اشوف الفنجان

الشيخه : انتى هتجىلى بيتى ولوحدك يا

فاطمه علشان فى كلام كتير

فاطمه : كلام ايه الحقى يا شوق هى بتبرق

كده ليه

شوق : فىن ده دى شكلها عادى

فاطمه : انا عاوزه اتجوز ويتقدملى عرسان

الشيخه : قولتلك انتى هتجىلى بيتى

فاطمه : مينفعش هنا

الشيخه : لا وقبل ما تيجى تكونى صايمه

انتى فاهمه

فاطمه : حاضر بس امتى

الشيخه : خودى تليفونى وهتفق معاكى ع

ميعاد وهتصل بيكى قبلها يلا قومى قومى

فاطمه : شوق هى بتزعقلى ليه

شوق : يا ست الشيخه انا مش مرتاحه
عاوزه اعرف تفسير حلمى انا تعبانه

الشيخه : قولتلك لما يكمل تعالى وانا
هفسرلك الحلم قومى يا بنتى

والشيخه حطت ايدها ع بطن شوق وقالت
انتى مخلفتيش ليه يا شوق لحد دلوقتى
علشان امك زعلانه عليكى اوى

شوق : نصيبى كده انا مبخلفش بس انا
عارفه ده ذنب مين وبتعذب بيه لحد دلوقتى

الشيخه : قومى يا بنتى روحى بيتك وخودى
صاحبتك معاكى وخلقى بالك ع نفسك

شوق : مع السلامه يا ست الشيخه ماما انا
همشى علشان متأخرش يلا يا فاطمه

الجزء السادس من هنا

شوق : تصدق وانا

شوق : ايه ده اشرف سلفى

اشرف : على فين يا شوق ازيك يا انسه

فاطمه

فاطمه : كويسه كويسه انا همشى يا شوق

وابقى كلمينى سلام

اشرف : هى مالها البت دى لما بتشوفنى

بتجرى وبتتفزع مش قولتلك بلاش مشى

معها

شوق : كتر خيرها يا اشرف ماما كانت تعبانه

ومحدثش وقف معايا غيرها

اشرف : الف سلامه مخدتيش اميره معاكى
ليه اه نسيت انها لسه والده عقبالك وان
شاء الله ربنا يكرمك... طيب كنتى خدى
حماتك يا ستى

شوق : حصل خير انت مروح البيت

اشرف : ايوه يلا

وشوق وأشرف راحوا البيت وأشرف قال ايه
ده هو باب السكه محدش قفله ليه دى
الساعه عدت ٨ بالليل

شوق : معرفش

وشوق طلعت دخلت ع شقه حماتها
وشافت حماتها قاعده بتتفرج عالتلفزيون

شوق : ازيك يا ماما

شوق : ماما

شوق : انا هقعد معاها وهبات معاها

النهارده ما انا كده كده قاعده لوحدي

اشرف : انا هدخل ومن وقت والتاني هبقى

اجي اطمئن الساعه داخله ع ٩ هدخل أكل

لقمه انا تعبان طول النهار فالشغل

شوق : نام انت وانا قاعده معاها ولو في

حاجه هقولك بس هي شكلها كويس

وشوق قالت في سرها هي فين اميره نفسى

اشوفها هي شكلها عامل ازاي

اشرف : تصبحي ع خير

وأشرف دخل شقته واول ما دخل شاف

بنته منه قاعده بتلعب فالصاله ودخل ع

المطبخ ملقاش اميره ودخل ع اوضه النوم

وشاف ابنه عبدالله بيعيط وقال اميره فين؟

دى مش هنا

وخذ ابنه ودخل ع شوق وقالها خودى
عبدالله فى كارته مش عارف اميره راحت
فين.....

الجزء السابع من هنا

وأشرف قال لشوق خودى عبدالله يا شوق
علشان فى كارته اميره مش موجوده فالبيت
وشوق قالت هتكون راحت فين يعنى
وأشرف رجع شقته وجاب منه بنته وقال
لشوق خلى بالك من منه وعبدالله وانا
هروح عند حماتي اشوف اميره بس ازاي
تخرج دى لسه والده شوق قالت فى سرها
يارب ما ترجع ع قد السم اللى بيخرج من
لسانها وبصت لمنه وعبدالله وقالت ده انا
لسه معملتش حاجه وانتم بقيتوا معايا.....
وأشرف نزل يجرى زى المجنون يشوف
اميره راحت فين لأنها تعبانه ووالده ومش

بتخرج غير ياذن منه ونزل وفتح باب السكه
بتاع البيت وراح ع بيت حماته وسأل ع اميره
وملقهاش وهو راجع ومعاه اخو اميره الكبير
واسمه محسن علشان يدوروا ع اميره

محسن : اميره اهي يا اشرف

اشرف جرى وقال اميره ايه ده انتى قاعده
فالشارع ليه

محسن : مالك يا بنتى متردى ع جوزك انتى
تعبانه

اميره : هههههههه لا مش تعبانه انا فى بيتى
اهو انتم اللى فى ايه انا قاعده ع السرير اهو

واميره ماسكه فى ايدها طوبه وقالت
وعبداللله اهو خد امسك ابنك

اشرف : محسن اختك شكلها مش طبيعي

محسن : ما هي لسه والده انتي مزعلها في

حاجه

اشرف : لا خالص والله

وأشرف خد اميره من ايدها وراح بيها عالبيت

وكان معاه محسن واول ما دخل شاف

عبدالله ومنه قاعدين مع شوق

شوق : اميره كنتي فين يا حبيبتى

اميره : انا اهو قدامك هههههه

واميره مسكت عبدالله من ايد شوق وراحت

حدفاه عالكنبه

اشرف وشوق قالوا ايه ده

اشرف : لا انتي في ايه بالظبط

شوق : تعالى يا اميره أغسلى وشك

محسن : خلی مراتك تستریح وخذ منه
معاك وسیب عبداللہ مع شوق

اشرف : ہسیب الاتین معاها

شوق : خد مراتك وروح شقتك وعبداللہ
ومنه معايا

امیرہ دخلت شقتها وكانت حاسه بنفسها
وقالت انا عاوزه ولادی مش ہسبہم

اشرف : تعالیٰ

وأشرف اخذ امیرہ ودخل شقتہ وشوق
اطمنت ع حماتها انها نامت وقالت تنامی ما
تقومی انتی والعقربه امیرہ بنت اختك
حسبى اللہ فىكم خساره انى اققعد معاكى
وقالت لمنه تعالیٰ یا قلبى ♥ وشالت
عبداللہ وخذتهم ع شقتها ودخلت شقتها
وقعدت وقالت بس عبداللہ لازم یرضع مش

عارفه اعمل ايه وقالت فكره واتصلت
بفاطمه وطلبت منها ببيرونه واحسن لبن
للرضاعه علشان تعود عبدالله عليه وقالت
لفاطمه انها مستحرمه عبدالله يرضع من
اميره علشان حبوب الهلوسه وفعلا فاطمه
مكدبتش خبر وجت لشوق ومعها البيرونه
واللبن وقالت لها الطريقه ازاي وكمان لازم
تعقم البيرونه كويس

شوق : معلش هتعبك انا عمري ما خلفت
ولا حتى رضعت عيل

فاطمه : يا بت عبدالله هيعوضك ومنه كمان

شوق : صدقيني انا مش وحشه انا بس اللي
سلفتها بتوجعها لمجرد انها مبتخلفش مع
انه بتاع ربنا محدش لي في نفسه حاجه

فاطمه : بكره تغور وترتاحي منها

فاطمه : المهم اسكتى ست الشيخه دى
غريبه وكلامها أغرب

شوق : فاطمه بعدين عبدالله حبيبي جعان
بعدين هكلمك ونرغى

فاطمه : ربنا يفرحك يا حبيبتى ۞ تصبى ع
خير

وفاطمه مشيت وشوق حضرت اللبن
لعبدالله وكمان نزلت جابت بامبرز من
اشرف واطمنت على اميره واشرف قالها هى
قاعده عالسرير ومش عاوزه تنام

شوق : انا طالعاه؟ منه وعبدالله لوحدهم
وكانت ملهوفه عليهم اوى

اشرف قال لشوق تسلمى ع زوقك يا مرات
الغالى

شوق : دول ولادی و خدت بعضها و طلعت ع

شقتها

وشوق طلعت شقتها و قالت اول مره احس

الاحساس ده الامومه یا اه احساس

جمیل و دخلت اوضه نومها ونیمت جمبها

عبدالله و خدت منه فی حزنها و کانت فرحانه

اوی و فون شوق رن و قالت ده أحمد جوزی

وردت علیه

شوق : حبیبی

احمد : شوق وحشتینی اول مره احس

بفرحتک دی سبحان الله صوتک بیضحک

خیر یا حبیبتی

شوق : منه و عبدالله معایا و نایمین جمبی

و انا مبسوطه اوی اوی

احمد : ربنا يبسطك يا حبيبتى وان شاء الله

ربنا هيعوضنا ببنت شبهك وقمر زيك

شوق : انا مبخلفش وبظلمك معايا وكذا مره

قولتلك طلقنى واتجوز وخلف دى ابسط

حقوقك

احمد فتح فيديو كول ع شوق

شوق فتحت الكاميرا وقالت وحشتنى

نفسى المسك انت سر سعادتى فى الدنيا

دى كفايه انك مستحملنى

احمد : انتى روحى فى حد يسيب روحه اما

الخلفه دى بتاعه ربنا وانا مش هطلقك

وولاد اخويا هما ولادنا برضه

شوق قالت فى سرها ولاد اخوك هيكونوا

ولادنا بجد من غير العقربه اميره

احمد : انا فرحان بيكى اوى يا حبيبتى انك
فرحانه ربنا يخليكى ليه

شوق : حبيبي ربنا يخليك ليه

واحمد قفل مع شوق وشوق نامت في سابع
نومه واول مره تنام مرتاحه البال بس قامت
ع نفس الحلم وقامت مفزوعه ع خبط اميره
ع بابها...

الجزء الثامن من هنا

وقامت فتحت

اميره دخلت شقه شوق زى المجنونه وقالت
فين ولادى وقالت عبدالله بت يا منه

شوق : نايمين متخافيش يا اميره في ايه يا
حبيبتى

امیره : حبيبتك بقولك عاوزه ولادى

شوق قالت فى سرها لازم تغورى علشان
ارتاح وقالت مش هينفع اسلوبى ده معاها
دى عاوزه طريقه تبلغها وقالت

ومسكت اميره من ايدها وخذتها اوضه النوم
وقالت لها تعالى منه وعبداللّٰه عالسرير اهم
اطمننتى يا ستى اققعدى واتغطى يلا انا
هدخل اعمل فطار ليه وليكى

اميره : ماشى

وشوق دخلت المطبخ وعملت فطار
سندوتشات وشاى وحطت حبوب الهلوسه
فالشاى وابتدت مع نفسها تزود الجرعه
وقلبت الشاى كويس ودخلت ع اميره
الاوضه وفطروا مع بعض واميره شربت
الشاى وخذت ولادها ونزلت وحاله اميره

سأت اكثر من الاول وابتدت تهلوس بكلام
محصلش وكمان وقفت فالبلكونه تعاكس
الجيران وبقت تصرفتها مش مفهومه
وحماتها وأشرف مستغربين لحال اميره
اللى اتغير ومع مرور الوقت عبدالله ومنه
خدوا ع شوق وبيناموا معاها وعدى شهر
ونص وشوق بتحط حبوب الهلوسه لأميره
واميره حالتها سأت بزياده وبقت تكلم
شباب وعيال فالشارع وتخبط فالكلام فى كل
حته وتهلوس والحاله سأت وجه اليوم
الموعود اللى حماتها قالت لأشرف اميره لا
تؤتمن ع ولادك خليهم مع شوق بصراحه
شوق شايله عبدالله ومنه
شوق قالت فى سرها اخيراااا عقبالك لما
تغورى ولا ربنا ياخذك ونرتاح

وشوق مسكت فونها واتصلت بفاطمه
علشان تكلمها وفعلا كلمتها وقالت لها
خلاص منه وعبداللله فى حضنى بس ناقص
اميره تغور من البيت

فاطمه : هقولك تعملى ايه

وفاطمه قالت لشوق هتتصرف ازاي علشان
اميره تخرج من البيت

وشوق مكذبتش خبر وقالت لأميره تعالى
اقعدى فالبلكونه وادتها عصير وحاله اميره
كانت وحشه اوى

شوق خرجت تجرى ع اشرف وقالت

شوق : اشرف اشرف الحق احنا خلاص
اتفضحنا فالمنطقه

اشرف : فى ايه ؟

شوق : تعالی شوف

الحماه : فی ایه

ودخلوا کلهم البلكونه لاقوا اميره واقفه
بقميص النوم والشارع كله بيتفرج عليها
وعلى جسمها

وأشرف مش حاسس انها مش فی واعیها
اتعامل کاراجل بیغیر ع رجولته

الحماه : خودها غورها ع بیت امها

اشرف : انا هطلقها وارتاح من قرفها

الحماه : یلا فی ستین داهیة انا هکلم اختی انا
زهقت من عمایلها

اشرف خد امیره وراح بیها ع بیت امها
وقالهم دی ست أخلاقها مش کویسه وکمان

اتجننت واتفضحنا فالمنطقه ورمى عليها

يمين طلاق وساب اميره ومشى

محسن : اشرف اشرف تعالى بس

اشرف : اختك عندك ولا تصلح ام لاولادى

وانا طلقته

وأشرف مشى ع بيته

شوق : عملت ايه وقالت بخباثه اوعى تكون

طلقته

اشرف : طلقته ب التلاته دى مش هتنفعنى

يلا فى ستين داهيه

شوق قالت فى سرها الحمد لله خلصت منك

ع خير

شوق : بقولك انا هاخذ منه وعبدالله وهطالع

انام وكمان احمد هيكلمنى

اشرف : سلمیلی علیه

فون شوق رن راحت شوق قالت دی فاطمه

خیر

فاطمه : الو یا شوق

شوق : مالک

فاطمه : البیه سی فایز صاحب الصیدلیه

ضربنی وانا فالشارع ومش عارفه اروح فین

شوق : طیب تعالی وان شاء الله تتحل تعالی

اققعدی معایا ما خلاص بقی حماقی بقت

زی العجینه فی ایدی وأشرف ده علشان

عیاله بقی تحت رجلی مبیقولش تلت التلاته

کام

فاطمه : ربنا یبارکک انا جایه

وفعلا فاطمه راحت ع بيت شوق وشوق
قابلتها وفاطمه حكت لها اللي حصل بينها
وبين فايز لأن المشكله بينهم بقت كبيره جدا

شوق قامت حضرت أكل وأكلت هي
وفاطمه ونيمت منه وعبداللله وفاطمه نامت

جمب شوق

وشوق راحت فالنوووووم وحلمت نفس
الحلم بس المره دي قامت من النووووم
وقالت فاطمه....

وقامت من النوم مغزوعه وقالت فاطمه
فاطمه وبصت جمبها عالسرير بس مملقتش
فاطمه وقالت هي اكيد فالحمام لما اقوم
اشوفها دي كانت تعبانه ومضايقه من اخوها
وقامت من عالسرير وخرجت ومملقتش
فاطمه فالشقه وقالت هي راحت فين
معقووول تكون مشيت؟ انا قلقانه اوى!؟

وخصوصا بعد الكابوس المنيل ده انا لازم
اكلم ست الشيخه ضرورى وقالت بس
الوقت متأخر دى الساعه عدت بعد الفجر
إن شاء الله ع الساعه ١١ الصبح هكلمها
وقالت اومال فاطمه راحت فين ومسكت
فونها ورننت على فاطمه وسمعت رنت
تليفون فاطمه فى اوضتها وقالت معنى كده
انها موجوده هنا اومال راحت فين وشوق
فتحت باب الشقه وقالت يمكن نزلت تحت
ولما فتحت الباب لاقите مردود وقالت ايه
ده؟ وفتحت الباب وسمعت فاطمه بتقول
وهى متغاضه انت هتتجوزنى امتى يا سى
اشرف ما مراتك مشيت والخطه مشيت زى
الفل وأطلقت

شوق : يا نهار اسووووود.....

الجزء التاسع من هنا

ج. ۹...#انا_یا_سلفتی

وشوق سمعت فاطمه بتقول هتتجوزنی
امتی یا سی اشرف ما خلاص مراتک اطلقت
وخلصت والخطه مشیت زی الفل

شوق : یا نهارررر اسوود فاطمه وأشرف
اشرف: شویه کده وهنتجوز وانا علی وعدی
لیکی ده انتی حب عمری یا بت

فاطمه : بجد حب عمرک ما کله من امک
هی الی بتکرهنی
اشرف : یلا اطلعی بقی قبل ما شوق تحس
بیکی

فاطمه : شوق هتتهبل عالعيال ونايمه في

حزنها

اشرف : بحبك يا حته منى

فاطمه : وانا كمان انا طالعه سلام يا حبيبي



شوق : يانهار اسود يا نهار اسود انا هدخل

انام علشان متعرفش انى سمعتها

وشوق دخلت اوضتها وعملت نفسها نايمه

وفاطمه طلعت ودخلت الاوضه ع شوق

وقالت انام انا بقى علشان متاخدش بالها

من حاجه

شوق : ايه يا فاطمه مالك في حاجه

فاطمه : كنت عطشانه وقلقت وروحت
الحمام ههه قصدى المطبخ وشربت مياه

شوق : طيب

وشوق عملت نفسها نايمه واناكدت ان
فاطمه نامت وخرجت بره الاوضه وفضلت
قاعده وقامت دخلت المطبخ وعملت قهوه
وفضلت تشربها وتفكر هتعمل ايه بعد ما
عرفت ان فاطمه عملت الخطه علشان
مصلحتها وكمان اشرف معاها وهى
متعرفش وقالت يعنى اكيد فاطمه قالت
لأشرف انى كنت هطلق واتجوزوا وقالت مش
عارفه اعمل ايه ☹️والصبح طلع ع شوق
وهى بتفكر فى فاطمه ومصيبه اشرف وقالت

ياااه الساعه بقت ١١ ومسكت الفون
ودخلت المطبخ وقالت لما اكلم ست
الشيخه واخذ منها ميعاد علشان فاطمه
متسمعش وفعلا اتصلت بالشيخه وقالت
لها أن الحلم في حاجه اختلفت زى ما قالت
لها وعاوزه التفسير والشيخه صافيه قالت
لشوق تيجى في اى وقت وشوق قالت لها
ساعه وهتكون عندها

وفعلا شوق قامت لبست وصحت فاطمه
وقالت لها تاخذ بالها من منه وعبداللله

فاطمه : رايحه فين يا شوشو

شوق : رايحه عند ماما أصلها طالبه منى
حاجات وفلوس وانا هروح لها ضرورى

فاطمه : فلوس ايه

شوق : كنت واخده منها فلوس للجمعيه
لحد ما احمد بيعت واحمد بعث وراحه
علشان تاخدهم كتر خيرها وانتى عارفه امى
ع قدها ست كبيره بقى

فاطمه قالت فى سرها امك ع قدها طيب
ازاى دى عندها بيت يرمح فى الخيل

شوق : فاطمه فى حاجه

فاطمه : لاي بنت قلبى بقول ربنا يبارك فى
عمر امك يارب

شوق : انا ماشيه واعمل الرضعه لعبدالله
واتعودى بقى ☐ ده ابن الغالى

فاطمه : اتعود ع ايه ومين الغالى ده يا بت

شوق : اشرف ايوه غالى مش ابو ولادى ☐☐

فاطمه : ولادك؟! ولادك مين؟

شوق : انتى نسيتى منه وعبدالله

شوق : انا ماشيه العيال امانه فى رقبتك

فاطمه : طيب وقالت هى شوق مالها عموما

وانا مالى المهم هتجوز اشرف

شوق راحت عند الشيخه ودخلت عليها

وقالت السلام عليكم

الشيخه صافيه : عليكم السلام تعالى يا

شوق

شوق : الحقینی یا ست الشیخه الحلم اتغیر
وفی حاجه غلط و یاریت تفسریه و تساعدینی

الشیخه : قولى بالظبط

شوق : انی لابسه عروسه وقاعده لوحدی
عالكوشه وكل المعازيم بترقص عالساكت
مفیث صوت بس المره دی لقیته فی ایدی
تلیفون و ببص فی لاقیته فیہ مرایا بس
ملقتش نفسی انا العروسه لاقیت فاطمه
صاحبتی وبتقول انا عروسه من غیر عریس
والتلیفون انفجر فی ایدی بس مکتش انا
كانت فاطمه

الشیخه : صاحبتك دی اللی كانت معاكی

شوق : اه هی

الشيخه : انا لما شوفتها مستريحتلهاش
بصى يا شوق فاطمه مش هتتجوز لحد ما
تموت وربنا يديها ع قد نيتهها دى نار ☐ قايدة

شوق : نار قايدة هى فعلا نار قايدة

وشوق سمعت تفسير الحلم وقامت وقالت
فى سرها اقول للشيخه على اللى عملته انا
وفاطمه ولا بلاش مش عارفه اعمل ايه ☐

وشوق روت البيت وطلعت على شقتها
والتفكير شاغل بالها وفتحت باب شقتها
وكان بقصصاشراف قاعد مع فاطمه وشايل
عبدالله ع ايدو وشوق دخلت وبتسحب
وقالت لما أقف اسمعهم بيقلوا ايه؟
وسمعت اشرف بيقل لفاطمه كله من امى

بتحب احمد اكثر منى عارفه لو كان خلف
كانت كتبت لعياله كل حاجه حتى هدمنا ☐

طول عمرها بتحبه وبتميزه عنى
فاطمه : اه علشان كده من وقت ما اتجوز
وانت بتحط لشوق حبوب منع الحمل
علشان متخلفش....

الجزء العاشر من هنا

ج. ١٠. #انا_يا_سلفتى

علشان كده كنت بتحط حبوب منع الحمل
لشوق

وشوق سمعت وقالت يا نهار اسود يا ولاد
الكلب

اشرف : وطبعاً البركه فيكى لولا صيدليه فايز

اخوكى مكنتش هعرف اعمل حاجه ❑

فاطمه : واوعى تنسى مجهودى ما انا اللى

خليت اميره تغير من شوق

اشرف : ياااه كنت اققعد اققولها عالجمال

شوق وحلاوتها وطبعاً اميره الحماره صدقت

وكانت بس بتستعمل أساليب تانيه انها

ست علشان خلفت وشوق جمالها

عالفاضى حقوده بعيد عنك ❑

فاطمه : انا قادره من يومى ما هو كان لازم

اميره تسم بدن شوق وتعايرها

أشرف: عارفه انا ياما تعبت وكله من أمى
كانت بتعامل احمد كأنه ملاك ماشى
عالأرض ده غير لما حببت اتجوز البنت اللى
كنت طول عمرى بحبها موفقتش عليها
وطلبت منى اتجوز أميره بنت خالتى بوز
النحس اللى شكلها يسد النفس وكثير
قولتلها انا مش بحبها يا أمى ومش عجبانى
وبرضه خلتنى اتجوزها إنما احمد اول ما قال
اتجوز شوق فرحت ووافقت عالطول طلباته
مجا به

فاطمه : هى مين حب عمرك دى وانا ابقى
ايه ان شاء الله ☐

اشرف : انا بقول ايه وانتى بتقولى ايه يا
شيخه انا قايم هو انا معرفش افضفض
بكلمتين جوايا

فاطمه : خلاص خلصنا اهي مراتك اتجننت
وشوق فاكهه نفسها مبتخلفش ومخلفتش
خلاص بقى

اشرف : انا هقوم قبل ما تيجى شوق
شوق : يا ولاد الكلب بقى انتى يا عشره
عمرى تعملى فيه كده فعلا اتقى شرا من
أحسننت اليه بس وحيات وجعى وكل دمعه
نزلت منى وكنت بتقطع وانا محرومه من
الأمومه هتتعرفوا مين هى شوق

اشرف : انا قايم بقى

شوق : السلام عليكم متجمعين عند النبي

فاطمه : شوق

شوق : ازيك يا اشرف خليك انا هدخل
اعمل غدا ونتغدى مع بعض هات عبداللله
ده الولد نايم

اشرف : شكرا يا مرات الغالى

شوق : فاطمه مش انا قولتلك تخلى بالك
من العيال ومن ابو العيال

فاطمه قالت فى سرها هى شوق مالها

فاطمه : مالك ي شوشو شكلك كده
مضايقه

اشرف : اسيبكم انا

شوق قالت فى سرها ما البلاوى كلها منك
انت وهى يا شياطين عالارض

شوق : خليك بس يا غالى انا انا هعملك
المكرونة البشاميل اللى بتحبها

اشرف : ها ها اه طيب لما تخلصى الأكل
ابقى ادينى صوت

شوق : هرن عليك

فاطمه : يلا انزل انت يا اشرف ولما شوق

تخلص أكل هكلمك

وأشرف نزل ع شقته

شوق : بت يا فاطمه انا حاسه بحاجه كده

تكونش اللى فى بالى

فاطمه : حاجه ايه

شوق : مش اشرف ده مكانش بيطيح وشك
ده كان عالطول يحظرنى منك علشان اخوكى
وسمعتة البطاله

فاطمه : هو كان بيقولك كده وانتى مكنتيش
بتقولى ليه

شوق : كنت بتحرج

فاطمه : وليه بتقولى دلوقت

شوق : علشانك خايفه عليكى لا تتجرحى
وتتصدى اصل شايفه عنيكى فيها لامعه
وانتى صاحبه عمرى وانا واثقه انه عمره ما
هيبصلك

فاطمه : اوف بقى خلاص ي شوق كل اللى
حصل هو طلع يشوف عياله بس لا فى حب
ولا غيره

شوق : وانا قولت غير كده انا هدخل احضر
الغدا

فاطمه : ربنا يحرق دمك يا شيخه

شوق دخلت المطبخ وقالت انا هوريكم يا
ملاعين يا شياطين ماشيه عالارض بس انا
برضه غلطت والشيطان ركبنى

شوق خرجت من المطبخ وقالت بصوت
عالى فاطمه فاطمه

فاطمه : مالك ي شوق

شوق : بقولك فى حاجات ناقصه وانا نسيت
اشترىها ممكن تنزلى تشتريها انتى علشان
انا مش قادره راجعه تعبانه

فاطمه : حاضر

شوق : استنى خودى فلوس

فاطمه : انا معايا انتى اختى ي بت

شوق قالت فى سرها انا هوريكى

وفاطمه نزلت تشتري الحاجه وشوق قفلت
الشقه ع نفسها وقالت لازم يا فاطمه تشربى
من نفس الكأس وقالت لازم اخلص منكم
وعلشان اخلص لازم الغيره تتدب فى قلبك
بس الاول لازم اعمل حاجه لا مش حاجه
واحده دول حاجتين وخذت منه وعبداللله
ونزلت بيهم ع شقه حماتها وكان اشرف
موجود وطلبت يخلى الولاد معاه لحد ما
فاطمه ترجع وقالت إنها نازله ونسيت تقول

لفاطمه ع طلبات تانی وهی نازله قابلت
فاطمه عالسلم

فاطمه : ایه یا بنتی رایحه فین انا اشتريت
کل حاجه

شوق : دقیق دقیق انا نسیت ومش عندی
دقیق

فاطمه : خلاص خلیکی

شوق : انتی تعبتی انا هنزل والولاد مع
أشرف فی شقه حماتی سلام مش هتأخر
فاطمه : امتی بقی اطلع لحماتی بنفسی
وتکون حماتی بس انا خاف اطلع دلوقت دی

مش بطقنى انا هطلع الشقه وهرن على

حبيبي اشرف

وشوق نزلت جرى فالشارع وخلص حسبت
حسبتها وعرفت هتعمل ايه وفضلت ماشيه
بخطوات سريعه وبتجرى لحد ما وصلت
وطلعت السلالم جرى وخبطت عالباوب واول
ما اتفتح قالت اميره فين يا محسن.....

الجزء الحادي عشر من هنا

ج. ١١...#انا_يا_سلفتى

وراقت شوق ع بيت اميره وقابلت اخوها
محسن وطلبت تشوف اميره ومحسن قابل
شوق وهو مش عارف انها السبب وقال
لشوق انها مش غريبه وخليها تتدخل عليها

اوضتها بس شوق اول لما دخلت وشافت
اميره بقت تعيط وانهارت ع شكلها ومش
دى اميره اللى تعرفها بس اميره بصت
لشوق وقالت انتى جايه تشمى فيه يا
شوق انا مش مجنونه يا شوق وهاخد ولادى
منك ومنه ما هو طول عمره بيقول عليكى
احلى منى شوق شوق ايه ده

شوق : مالك يا أميره

اميره : انا جسمى متلج وحاسه انى فى رعشه
داخله فى جسمى بصى يا شوق جسمى
مليان كله صراصير وكبيره كمان انا عارفه
انهم شكلهم يقرف وعارفه ان منه بنتى

اميره : عبدالله كويس ووشه بقى حلو

شوق : منه وعبدالله زى الفل

شوق قامت فتحت الدولاب وجابت هدموم
لأميره وقامت قلعتها الهدوم اللى اميره
شايفها كلها صراصير وقامت اخذتها الحمام
شطفتها ولبستها هدموم تانيه وقالت لأميره
اهو مفيش صراصير وخذت الهدوم ورمتها
قصاد اميره

شوق : انا همشى يا أميره بس هرجعلك تانى

شوق خرجت من اوضه اميره وقالت

لمحسن انا عاوزاك

محسن : اولاً شكراً يا شوق ع زيارتك لأمي
مع انها كانت بتعاملك او حش معامله بجد
اسف وبالنيابه عنها بتأسف لك اما حماتها
اللى هى خالتى وابن خالتى رموها زى
الكلبه

شوق : هو فى حد غيركم هنا

محسن : لا امى بتصلى فالجامع وكلهم
مش هنا كل واحد مشغول بحاله وانا قاعد
مع اميره

شوق : اميره لازم تروح لدكتور

محسن : ان شاء الله

شوق : انا عاوزاك يا محسن فى حاجه

محسن : اؤمرى

شوق : هقولك.....!!؟؟

وشوق اتفقت مع محسن وقالت انا ماشيه

بس ياريت متنساش طلبى وانا هكلمك

فون ومحسن قال لها هستنا منك اشاره

شوق : هكلمك

وشوق فى طريقها للبيت وهى فال

طريق تليفونها رن وشوق قالت دى الشيخه

صافيه ورددت عليها بس الشيخه كانت

بتتكلم مع شوق وعاوزها فى حاجه مهمه

و فعلا شوق مكدبتش خبر وراحت ع بيت

الشيخه

فاطمه : انا هفضل واقفه ع أم السلم ده

و بتصل بأشرف مبيردش ده ايه ده

اشرف : فاطمه في ايه زن زن زن

فاطمه : انا بتصل بيك اكثر من نص ساعه

وواقفه عالباب الشقه وانت بتكنسل ايه هو

انا شفاف ولا ايه اااه لو كانت ست شوق

كنت رديت عالطول

اشرف : انا شامم في كلامك ريحه أميره

فعلا الستات كلهم زي بعض

فاطمه : افتح بس الباب... ولا انت مش

معاك المفتاح ولا ايه

اشرف : معايا معايا

وأشرف فتح الباب ودخل وفاطمه دخلت

وقالت فين عيالك

اشرف : هيكونوا فين يا ذكيه اكيد مع أمى

فاطمه : مش بطقنى معرفش ليه

اشرف : امى بكره تتعود عليكى

اشرف : هى فين شوق الشقه فاضيه من

غيرها □

فاطمه : هو انت فى ايه بالضبط شوق شوق
شوق هو مفيش غيرها شكلك كنت مضبط
معاها ولا ايه

اشرف : هههههههه مضبط ونعم الأخلاق

فاطمه راحت حضرت اشرف وقالت انا
بحبك اوى امتى بقى يجمعنا بيت واحد يا

حبيبي □

اشرف: هى فىن شوق

فاطمه : اوف بتشتري دقيق هى قالت كده

اشرف : وحشتينى ي طمطم

فاطمه : بجد

اشرف : تعالى وحشانى والله

فاطمه : مش هينفع هنا تعالى في شقتك

علشان لو شوق جت

اشرف : هنزل اسبقك على الشقه

فاطمه : ماشى

وأشرف نزل ع شقته وفاطمه نزلت وراه زى

اى واحده رخيصة تبيع نفسها لراجل خاين

مالوش امان.....

وشوق راحت للشيخه لأنها كانت عاوزها

ضرورى؟ وشوق رجعت من عند الشيخه

وقالت لازم يا فاطمه تدوقى من نفس الكاس

انتى والكلب الخاين اشرف وحيات حرمانى

من كلمه ماما لأحرمكم انتم الاتنين من كل

حاجه.....

فاطمه : اشرف يا حبيبي تصدق شقتك

حلوه

اشرف : اه حلوه المهم انها عجبتك بقولك
ادخلى اوضه النوم وافتحى الدولاب واللبسى
اي قميص يكون حلو كده من بتوع اميره

فاطمه : ماشى مع ان ده فال وحش اللبس
قميص ضررتى ❑

اشرف : هى مش ضررتك دى طليقتى
المهلوسه

فاطمه دخلت اوضه النوم وفتحت الدولاب
وفضلت تنكش وتدور على قميص حلو
تلبسه وهى بتدور شافت حاجه متتخيلهاش
وقالت ايه ده ده قميص شوق معقول....

الجزء الثاني عشر من هنا

ج. ١٢...#انا_يا_سلفتي

ده قميص شوق يا نهار اسود ومنيل ع
دماغك يا اشرف انا هخرّب بيتك وبيتها
وفاطمه قالت في سرها بس مش هينفع
اتكلم دلوقت

اشرف : فاطمه فاطمه

فاطمه : في ايه مالك بتزقق كده ليه

اشرف : شوق رجعت انا خايف لا تشك في
حاجه يلا اطلعي اطلعي وبعدين هكلمك

فاطمه : ايه هو في ايه مالك مرعوب ليه كده

اشرف : دى شوق لو شمت خبر انى ليه
علاقه بيكى هتبقى مصيبه يلا اطلعى
وبعدين نتكلم

فاطمه : خلاص طالعه وكلمنى ها

اشرف : حاضر

وفاطمه طلعت والغيره واكله قلبها ومتأكده
ان شوق على علاقته بأشرف من القميص
اللى فى دولاب اميره

فاطمه : اشتريتى الدقيق يا شوق انا فاكهه
انك كنتى عازمه اشرف عالغدا دى الساعه
بقت ٨ بالليل الا قوليلى كنتى فين كل ده

شوق قعدت عالكرسى الانتريه وقالت كنت
عند ماما

فاطمه قالت فى سرها امممم شالله يا ماما

شوق : فين منه وعبداللله

فاطمه : عند حماتك

شوق : امممم اصل معددتش عليها وبعدين

انتى كنتى فين يا بت

فاطمه : كنت كنت كنت

شوق : انتى علقتى يا بت ☐

فاطمه : كنت تحت ما انا نزلت اشوفك

وادور عليكى

شوق : هو انا كنت تايهه ومعرفش

فاطمه : المهم انا جعانه

شوق : هقوم اعمل سندوتشات وشاى

وانتى انزلى هاتى منه وعبداللله

فاطمه : حاضر

شوق : فاطمه وانا راجعه اخوكى فايز سألنى

عليكى وقولتلوا معرفش

الجزء الثالث عشر من هنا

فاطمه : طيب احسن ما هو السبب فى اللى

انا فيه

وشوق دخلت المطبخ وقالت ماشى يا
فاطمه اما عرفتك مقامك وازاي تضحكى
عليه وشوق عملت الشاى والسندوتشات
وخرجت بيهم وحطتهم على تراييزه السفره
ودخلت اوضه نومها

فاطمه : بقولك منه نايمه وجبت عبدالله

بس

شوق : هو اشرف تحت

فاطمه : اه ليه

شوق : عاوزاه فى حاجه هاتى عبدالله بس

الاول وانا هنزل اتكلم معاه

فاطمه : تتكلمى معاه فى ايه

شوق : اخرجى هاتى الشاى والسندوتشات

من على السفره

فاطمه : انا بسألك يا شوق عاوزه ايه من

اشرف

شوق : يا حبيبتى عاوزاه فى حاجه ضرورى

وانا هنزل اتكلم معاه لما اطلع هحكىلك

وفاطمه خرجت الصاله وشالت صنيه

السندوتشات والشاى ودخلت اوضه النوم

وقعدت عالسرير وفتحت التليفزيون والنار
بتغلى جواها من الغيره شوق : انا جيت اهو
ي ستي متأخرتش عليكى وشوق قعدت
عالسرير وراحت أديت بوسه لعبداللله وقالت
ياااه انت شبهه اشرف اوى

فاطمه قالت فى سرها اه ي شوق لو طلع
اللى فى بالى صح

شوق : عاوزه اقولك ع حاجه كنت مخبياها
عليكى يا فاطمه وجه الوقت علشان اقولك
انتى اختى وحببتى

فاطمه : قولى قولى

شوق: انا بحب اشرف وكفايه انه خلانى أم
ومعايا اهو عبداللله ومنه ولاده

فاطمه : فوقی یا بنتی دول مش ولادك

فاطمه : ما هو علشان كده انا مبخلفش
وخلص منه وعبداللہ بقوا حته منى

فاطمه قالت فى سرها ينهار اسود

فاطمه : وأشرف نظامه ايه

شوق : بيموت عليه لما بس يشوفنى ولما
لمسنى كان هيتجنن

فاطمه : هو لمسك كمان

شوق : لمس ايه بس دى غلطه لسان

فاطمه قالت فى سرها يبقى اللى شوفته
صح اشرف على علاقه بشوق وانا حماره
وبيلعب بيه

شوق : خودی سندوتش واشربی الشای انا
عن نفسی هقوم اخد شاور وبعدين انا مش
جعانه

وشوق دخلت الحمام تاخذ شاور وفاطمه
الغيره واكله قلبها عالآخر وفضلت تاكل
بغیظ وتشرب الشای ومحروق دمها ان
شوق ليها علاقه بأشرف

وشوق دخلت الحمام واتصلت بمحسن اخو
أميره وطلبت انه يكلم اشرف ويقولوا انه
بيتصل بيها وهى مبتردش عليه ويطلع
يكلمها ولو سألته ليه يقولوا ان شوق كلمته
قبل كده وهو بيظمن ع ولاد اخته وفعلا
محسن اتصل بأشرف جوز اخته وسألته على

شوق وقاله زى ما شوق فهمته وفعلا
اشرف طلع وخبط وشوق خرجت من الحمام
ولا بسه روب لأنها كانت لسه هتاخذ شاور
ولما فتحت الباب اتخضت وعملت مكسوفه
واترمت فى حضن اشرف وقالت بصوت
واطى حقك عليه معلىش اتخضيت ☹️

فاطمه خرجت لما سمعت خبطه الباب
وشافت شوق فى حضن اشرف وقالت كده
عینی عینک یا فاجرہ انتی والکلب الخاین
ماشى

اشرف : محسن عاوزك ي شوق وبعدين
ياريت ميسألش ع ولادى تانى

شوق : انا هفهمك..

اشرف : لما تخلصى كلمينى

شوق : حاضر عن اذلك وقفلت الباب وشوق
قالت فى سرها المهم ان فاطمه الغيره دبت
فى قلبها وعرفت ان ليه علاقه بأشرف

فاطمه : انا مالى انا حاسه ان جسمى مكسر
اوى ومفيش نوم فى عينى خالص ومحروق
دمى اوى انا حاسه انى هرتكب جريره
ومسكت تليفونها واتصلت بأشرف وقالت
إنها عاوزه تشوفوا لما شوق تنام وتنزله
الشقه بس اشرف قالها مش هينفع
وهيخرج يقابلها بكره بس بره البيت علشان
يتكلموا براحتهم

وشوق خلصت الشاور ودخلت اوضه نومها
وقالت يااه انا عاوزه انام وقالت لفاطمه مش
هتنامى

فاطمه : شويه كده وهنام نامى انتى بس

شوق : تصبى ع خير

وشوق عامله نفسها نايمه وفاطمه صاحيه
والغيره هتاكل قلبها ومع الوقت غمضت
عنيها وحاولت تنام بس شوق قامت وقالت
بصوت مسموع لأنها عارفه ان فاطمه
صاحيه يااه اخيرا فاطمه نامت لما انزل
لحبيبي اشرف وقامت من جنب فاطمه
وطبعا فاطمه كانت لسه صاحيه وسمعت
شوق وعملت نفسها نايمه وشوق قامت

تتسحب وفتحت الدولاب ولايست روب
وقالت بصوت مسموع اشرف بيحب اللون
ده وحطت برفان وسرحت شعرها وقالت في
سرها هوريكى يا فاطمه انتى والكلب
الخاين الفاجر ده وخرجت تتسحب ونزلت
عالسلم بالراحه ومسكت مفتاح شقه اشرف
وفتحت الباب ودخلت وقفلت وراها...

وفاطمه شافت شوق دخلت شقه اشرف
اتجننت وجريت ع المطبخ وفتحت الدرج
وجابت سكينه وقالت انا لازم اقتله واقتلها
محدثش هياخذ اشرف منى ونزلت تجرى
وجت تزق باب الشقه لاقيته مفتوح ودخلت
زى المجنونه ع اوضه النوم...

الجزء الرابع عشر والاخير من هنا

ج. ١٤. #والاخير...#انا_يا_سلفتى

وفاطمه دخلت ع اوضه النوم وكان اشرف
نايم عالسرير وبعزم قوتها ضربته بالسكينه
لحد ما مات وانهارت وفضلت تقول قتلته
وتضحك بصوت على وشوق كانت فى شقه
حماتها وخرجت ورجعت تانى وقالت لحماتها
وهى مفزوعه الحقى يا ماما باب الشقه بتاع
اشرف مفتوح وخايفه لا يكون حرامى
وحماتها خرجت مع شوق ودخلوا الشقه
وفضلت

شوق تدور زى المجنونه فالشقه وكانت
طبعاً بتمثل انها خايفه وحماتها قالت لها
تعالى اوضه النوم مفتوحه ودخلوا الاتنين
جرى على اوضه النوم وشافوا فاطمه منهاره
وتضحك ومش فى وعيها وبتقول قتلته
وشوق قالت لها وبكل خباثه عملتى ايه يا
مجنونه وقربت منها بس فاطمه بصت
لشوق اخر نظره وجريت فتحت البلكونه
ورمت نفسها وشوق

جريت وبصت من البلكونه وكانت فاطمه
غرقانه فى دمها وحماتها فضلت تصوت على
أشرف وشوق اتصلت بمحسن وقالت على
كل اللى حصل ان فاطمه قتلت اشرف
ورمت نفسها.... ومحسن بلغ والتحقيق اخذ
مجراه واتقفلت التحقيقات وطبعاً بعد

معاینه الجثث وبأقوال شوق قالت ان
فاطمه كانت عندها علشان متخانقه مع
اخوها ومكانتش تعرف ان فاطمه على علاقه
بأشرف وقالت إن اشرف كان

بيحذرها كتير من فاطمه لسوء سلوكها
وكمان حماتها شاهده ع كلامها بس شوق
كانت بتحب فاطمه زى اختها وفتحت لها
بيتها علشان ظروفها وكانت سايبه بيتها
وفايض اخوها أكد كلام شوق ان هو كان طارد
فاطمه من البيت علشان كانت على علاقه
بأشرف وهو متجوز ولما عرف طردها
وبتشريح جثه فاطمه الطب الشرعى اثبت
انها كانت بتتعاطى برشام ومخدرات علشان
كده مكانتش فى وعيها واتقفلت القضييه

والتحقيقات لان القاتله ماتت بعد وقوع
الجريمه وقتلها لأشرف.....

شوق اتصلت بالشيخه صافيه واخذت منها
ميعاد وراحت لها

شوق : السلام عليكم

الشيخه : عليكم السلام تعالى يا شوق

شوق : انا مش عارفه اشكرك ازاي انتي
فعلا انقذتيني والشر راح خلاص

الشيخه : مش انا اللي انقذتك ده عمملك
وبعدين انا متأكده انك مظلومه وبعدين هما
اخذوا جزائهم

شوق : ياااه كلامك كله فى ودانى لما
قولتيلى مش هيحرق قلبها غير انها تغير
علي اشرف وفعلا انا خليتها تشك فيه
وكمان كنت بحطلها البرشام والمخدرات
فالشاي وبالذات يوم الحادته زودت الجرعه
علشان متنمش وهى شافتنى قومت من
النوم اتجننت وعملت زى ما انتى قولتيلى
يا ست

الشيخه خدت مفتاح شقه اشرف ما هو كان
معايا انا عملت نسخه عليه من وراه ولما
اتأكد أن فاطمه عملت علاقه معاه دخلت
وهو مش موجود وحطيت قميصى فى دولاب
اميره واخذت السكينه بتاعتهم كمان

وحطتها في درج مطبخى وخيبت السكاكين
بتاعتى كلها علشان متشوفش غير سكينه
واحد فالدراج وتاخذها واول ما نزلت الشقه
وفتحت الباب هى شافتنى اتجننت وجريت
ع المطبخ علشان تاخذ السكينه وتنزل
تقتلنى وتقتله انا استغلّيت اللحظه دى
وجريت ع شقه حماقى علشان اديها العلاج
وطبعاً فاطمه كانت فاكهه ان انا فى حضن
اشرف وسبت الباب مفتوح وأشرف كان نايم
وهى دخلت وقتلته ومن كتر الهلوسه اللى
هى فيها مأخذتش بالها انه نايم وانا مش
معاه ما خلاص هى اتجننت ورمت نفسها
من البلكونه بس تستاهل وهو كمان دول
شياطين عالارض

الشيخه : وقميصك اللى فالدولاب

شوق : انا اخدته لما اشرف مكانش موجود
كان مع الهانم فى شقتى

شوق: عارفه يا ست الشيخه ياما سلفتى
عيرتنى بعدم الخلفه وانى ارض بور
مبخلفش وكانت حماق شىلاها ع راسها وانا
علشان مش قريبتها او مبخلفش كانت
بتعاملنى انى مش ست وكمان سلفى طلع
هو واعز اصحابى متفقين عليه وكمان اشرف
السبب فى عدم خلفى من اخوه وطيب وانا
مالى انت بتغير من اخوك انا ذنبى ايه واما
فاطمه منها لله كانت سبب فى كل حاجه وانا
استغليت سمعتها وسمعه اخوها الزباله
ودوقتهم من نفس الكاس واضرب الظالمين
بالظالمين واخرجنا منهم سالمين...

وشوق قربت من الشيخه ومسكت ايدها
وقالت وربنا جعلك ليه طوق نجاه

الشيخه : مش معنى كده ان احنا صح بس
كان لازم اساعدك علشان ايدك متتلوث
بدمهم الانجاس الأوساخ وتغلطى يلا يا بنتى
روحي على بيتك وعيشى حياتك ورجعى
سلفتك بيتها

شوق : حاضر انا كلمت محسن وقال إن
حالتها كويسها ولما عرفت ان جوزها كان
بيخونها مع فاطمه فاقت لاولادها ورجعت
شقتها والحمد لله

وشوق ودعت الشيخه وحلفت انها مش
هتلبجأ لأى حاجه غير ربنا وان معرفتش تاخذ
حقها غير بالطريقه دى وراحت شوق على

شقتها وبعد مرور سنه ع وفاه اشرف
وفاطمه حماه شوق اتوفت واميره بقت هى
وشوق أصحاب لان كان اشرف اللى بيوقع
ما بينهم وده اللى اميره فهمته

اميره : متزعليش يا شوق بكره ربنا يعوض
عليكى اتنى فعلا طيبه انا عرفت ده لما
فهمت اشرف ع حقيقته كتير كان بيقولى
انك اجمل منى وانا زى العبيطه كنت
بصدقه واغير منك بجد اسفه

وبعد مرور سنه ونص

الباب خبط وشوق قامت تفتح...

شوق : احمد معقووول حمدالله على

سلامتك

احمد : عجتك المفاجأه

شوق : طبعاً يا حبيبي

احمد : كل زعلى انى محضرتش جنازه اخويا

الله يسامحه بقى وامى ة ربنا يرحمها

الشغل يا شوق فعلا غصب عنى كان على

عيني..

شوق قالت فى سرها اومال لو عرفت اللى

اخوك عملوا فينا ة

شوق : حمدالله ع سلامتكم نورت بيتك يا

حبيبي ة

وبعد مرور شهرين شوق تعبت وخذت اميره

وراحت للدكتور وهنا كانت المفاجأه انها

حامل ة وفرحت اوى واحمد فرح وشكرت

ربنا ع عطيته ليها وان ربك لا يظلم احد

وشوق خلفت توأم ولد وبنت وكانت فرحتها

هى واحمد بالدنيا وقالت إن لازم تربيههم على
حبهم لبعض ومتفرقش ما بينهم ابدأ وتمت
القصة على خير ☐

فى كلمه احب اقولها مفيش واحده عاقله
تعمل زى اميره وتسمع كلام جوزها وبرضه
مفيش زوج محترم يقول لمراته ان سلفتها
احسن منها وأفضل منها وكمان أجمل منها
اكيد مش بيحبك علشان لو بيحبك هيخاف
ع زعلك وهيخاف يجرحك حتى ولو بكلمه
ياريت كل زوج يخلى باله ع مراته حتى ولو
بهزار فعلا الغيره بتكون موجوده وكمان
الست بتفرح من اقل كلمه لو مكانتش
الكلمه الحلوه ليها معنى وسبب لفرحتك
مكانش ربنا خلاها صدقه وكمان لازم اى ام

وأب تعدل بين ولادها فالمعامله ومتفرقش
ما بينهم ده بيولد ما بينهم الغيره والحدق
وللأسف الكراهيه خلوا بالكم من

معاملتكم لاوولادكم خلوها واحده علشان
يحبوا بعض ودايما ازرعوا الخير ❑ ما بينهم
علشان هتحصدوا خير وتشوفيهم افضل
الناس ربنا يسعدكم ويفرح قلوبكم وياريت
تدعوا ربنا دايما ينور بصيرتكم وان شاء الله
تخرجوا من رمضان مجبورين خاطر كلنا ان
❑ شاء الله

النهايه